

Cartulaire de l'Abbaye de Redon en Bretagne: [832–1124], Nr. 312

Hae litere conservant memoriaeque commendant omnibus legentibus eas, quomodo Harscuit nobilissimus vir, filius videlicet Iestini, dedit Sancto Salvatori rothonensi et suis monachis aecclesias duas in honore sanctae Mariae et sancti Iohannis constructas, sitas ante opidum Sanctae Crucis cum cimiterio sibi diviso, faventibus Menvili presbytero atque Gausfrido, qui eas ante tenuerant, cum una borderia et cum quarta parte iugeris vineae, cum prato, molendino, et cum tercia parte Chamariae, ita ut exinde liberam potestatem habeant ad faciendum quicquid voluerint, nulla sibi consuetudine reservata. Hanc enim elemosinam egit pro redemptione antecessorum suorum, patris videlicet et matris, et maxime pro absolutione suorum peccatorum et Ulgardis coniugis fideliumque suorum, et pro incolumitate sui et filiorum filiarumque, et pro stabilitate sui honoris. Preterea ipse vir deprecatus est abbatem Perenesium cui hanc donationem delegavit uti pro Dei amore locum maxime Sancte Mariae studeret amare, et tales inibi fratres mittere qui Dei timorem habeant, locumque pro ut posse aedificent. Denique hanc conventionem ab abbate et fratribus rothonensibus requisivit, ut si ipse aut eius successoribus quandoque visum fuerit, locum iam dictum sie exaltatum et ampliatus divitiis et honoribus, ita ut regulariter per se possit ferre abbatem, uti ipse abbas qui tunc advixerit, communi consilio fratrum suorum, ex suis eligat qui dignus sit, et perficiat ihi abbatem; quod et impetravit, tali tenore ut dum sibi abbates successerint, semper ex congregatione rothonensi aut consilio eorum sint electi. Quod si abbas perpenderit quod haec conventio antequam debeat inquiri a domino loci. illius perquiratur, et si eius petitionibus noluerit acquiescere, ita inter eos est diffinitum ut ad regulam sancti Benedicti recurratur, et secundum eius iudicium eorum contentio finiatur. Acta est haec donatio feria quinta, in eodem loco Sanctae Mariae, pridie nonas iulii, luna .VIII., anno ab incarnatione Domini millesimo quinquagesimo quinto; ipse Harscuit, qui dedit et firmare rogavit, testis; Iestinus, filius, testis; Uruuoit et Halarius et Aldroin, filii ipsius, testes; Menvili, presbyter, testis; Gaufridus, testis; Hamon, filius Aldroin, testis; Main, filius Catuuadalard, testis; Ledevin, testis; Renalt, testis; Ducines, testis; Perenesius, abbas, qui suscepit, testis; Sausoyarnus, monachus, testis; Glemonocus, monachus, testis; Bili, monachus, testis; Iresloenus, monachus, testis; Rodercus; monachus, testis; Hervi, presbyter, monachus; Vuid, testis, Osmundus, testis; novitii.